

禮
記

禮記卷第九

玉藻第十三

鄭氏注

天子玉藻十有二旒前後邃延龍卷以祭

祭先

王之服也雜采曰藻天子以五采藻爲旒旒十有二前後邃延者言皆出冕前後而垂也天子齊肩延冕上覆也玄表纁裏龍卷畫龍於衣字或作袞玄端而朝日

於東門之外聽朔於南門之外閏月則闔門

左扉立于其中

端當爲冕字之誤也玄衣而冕冕服之下朝日春分之時

也東門南門皆謂國門也天子廟及路寢皆如明堂制明堂在國之陽每月就其時之堂而聽朔焉卒事反宿路寢亦如之閏月非常月也聽其朔於明堂門中還處路寢門終月

凡聽朔必以特牲告其帝及神配以文王武王皮弁以日視朝遂以

食日中而餽奏而食日少牢朔月大牢餽食朝之

餘也奏五飲上水漿酒醴醢上水水爲上卒奏樂也

食立端而居天子服立端燕居也動則左史書之言則

右史書之其書春秋尚書其存者御瞽幾聲之上下樂瞽

人也幾猶察也察其哀樂年不順成則天子素服乘素車

食無樂自貶損也諸侯立端以祭祭先君也端亦當爲冕字之誤

也諸侯祭宗廟之裨冕以朝朝天子也裨冕朝天子也

男毳也皮弁以聽朔於大廟皮弁下天子也朝服以日

視朝於內朝

朝服冠玄端素裳也此內朝路

三朝辨色始入

羣臣也入入應門也辨猶正也別也

君日出而

視之退適路寢聽政使人視大夫大夫退然

後適小寢釋服

小寢燕寢也釋服服玄端

又朝服以食特

牲三俎祭肺

食必復朝服所以敬養身也三俎豕魚腊

夕深衣祭

牢肉

祭牢肉異於始殺也天子言日中諸侯言夕天子言餼諸侯言祭牢肉互相挾

朔月少牢五俎四簋

五俎加羊與其腸胃也朔月四簋則日食梁稻

各一簋而已

子卯稷食菜羹

忌日也

夫人與君同庖

不特殺也

君無故不殺牛大夫無故不殺羊士無

故不殺犬豕

故謂祭祀之屬

君子遠庖廚凡有血氣

之類弗身踐也

踐當爲翦聲之誤也翦猶殺也

至于八月不

雨君不舉

爲旱變也此謂建子之月不雨盡建未月也春秋之義周之春夏無

雨未能成災至其秋秀實之時而無雨則雩而得之則書雩喜祀有益也雩而不得則

書旱明年不順成君衣布搢本闕梁不租山

澤列而不賦土功不興大夫不得造車馬

皆爲

凶年變也君衣布者謂若衛文公大布之衣大帛之冠是也搢本去莖茶佩士笏也士以竹爲笏飾本以象闕梁不租此周禮也殷則闕恆譏而不征列之言遮列也雖不賦猶爲之禁不得非時取

卜人定龜

謂靈射之屬所當用者

史

定墨

視兆

君定體

視兆所得也周公曰體王其無害

君羔幣

虎犢

幣覆苓也犢讀皆如直道而行之直直謂緣也此君齊車之飾

大夫齊

車鹿幣豹犢朝車士齊車鹿幣豹犢

臣之朝車與齊

車同飾

君子之居恆當戶

鄉明

寢恆東首

首生氣也

若

有疾風迅雷甚雨則必變雖夜必興衣服冠

而坐

敬天之怒

日五盥沐稷而醑梁櫛用櫛櫛髮

晞用象櫛進襪進羞工乃升歌

晞乾也沐醑必進襪作樂

盈氣也更言進羞明爲羞籩豆之實

浴用二巾上絺下綌

刷垢也

出杆履蒯席連用湯

杆浴器也蒯席澀便履於洗足也連猶釋也

蒲席衣布晞身乃屨進飲

進飲亦盈氣也

將適公所

宿齋戒居外寢沐浴史進象笏書思對命

思所

思念將以告君者也對所以對君者也命所受君命也書之於笏爲失忘也

旣服

習容觀玉聲

玉佩

乃出揖私朝輝如也登車則

有光矣

私朝自大夫家之朝也揖其臣乃行

天子搢珽方正於

天下也

此亦笏也謂之珽珽之言珽然无所屈也或謂之大圭長三尺杼上終葵

首終葵首者於杼上又廣其首方如椎頭是謂無所屈後則恆直相玉書曰珽玉六寸明

自諸侯茶前詘後直讓於天子也

茶讀爲舒遲之舒舒

懦者所畏在前也詘謂圍殺其首不爲大夫
椎頭諸侯唯天子詘焉是以謂笏爲茶

前詘後詘無所不讓也

大夫奉君命出入者也上有天子下有己

君又殺其下而圍

侍坐則必退席不退則必引而去

君之黨

引卻也黨鄉之細者退謂旁側也辟君之親黨也

登席不由

前爲躡席

升必由下也

徒坐不盡席尺

示无所求於前不忘

謙也

讀書食則齊豆去席尺

讀書聲當聞尊者食爲汚席也

若

賜之食而君客之則命之祭然後祭

雖見賓客猶不

敢備禮也侍食則正不祭

先飯辯嘗羞飲而俟

俟君食而後食也君

將食臣先嘗之忠孝也

若有嘗羞者則俟君之食然後

食飯飲而俟

不祭侍食不敢備禮也不嘗羞膳宰存也飯飲利將食也

君

命之羞羞近者

辟貪味也

命之品嘗之然後唯所

欲

必先徧嘗之

凡嘗遠食必順近食

從近始也

君未覆

手不敢飧

覆手以循耳已食也飧勸食也

君既食又飯飧

不敢

先君飽

飯飧者三飯也

臣勸君食如是可也

君既徹執飯

與醬乃出授從者

食於尊者之前當親徹也

凡侑食不盡

食食於人不飽

謙也

唯水漿不祭若祭爲已俵

卑

水漿非盛饌也已猶大也祭之爲大有所畏迫臣於君則祭之

君若賜之

爵則越席再拜稽首受登席祭之飲卒爵而

俟君卒爵然後授虛爵

不敢先君盡爵

君子之飲酒

也受一爵而色酒如也

酒如肅敬貌
酒或爲察

二爵而

言言斯

言言和敬貌
斯猶耳也

禮已三爵而油油

油油說敬

貌

以退

禮飲過三爵則
敬殺可以去矣

退則坐取屨隱辟而

后屨坐左納右坐右納左

隱辟俛遠巡
而退著屨也

凡尊

必上玄酒

不忘古也

唯君面尊

面猶鄉也燕禮曰
司宮尊于東楹之

西兩方壺左玄酒南上公尊
瓦大兩有豐在尊南南上

唯饗野人皆酒

飲賤者
不備禮

大夫側尊用斚士側尊用禁

斚斯禁
也無足

有似於斚
是以言斚

始冠緇布冠自諸侯下達冠而敝

之可也

本大古耳非時
王之法服也

玄冠朱組纓天子之

冠也緇布冠緇綌諸侯之冠也

皆始冠之冠也立冠委貌

也諸侯緇布冠有綌尊者飾也緇或作繪綌或作黻

立冠丹組纓諸侯

之齊冠也立冠綦組纓士之齊冠也

言齊時所服也

四命以上齊祭異冠

緇冠立武子姓之冠也

謂父有喪服子爲之

不純吉也武冠卷也古者冠卷殊

緇冠素紕旣祥之冠也

紕緣

邊也紕讀如埤益之埤旣祥之冠也已祥祭而服之也閒傳曰大祥素緇麻衣

垂綌

五寸惰游之士也

惰游罷民也亦緇冠素紕凶服之象也垂長綌明非

旣

立冠緇武不齒之服也

所放不帥教者

居冠屬武

謂燕居冠也著冠於武少威儀

自天子下達有事然後綌

燕無

事者

去飾五十不散送

送喪不備禮

親沒不髦

去

子之

飾大帛不綏

帛當爲白聲之誤也大帛謂白布冠也不綏凶服去飾

立冠紫綏白魯桓公始也

蓋僭宋王者之後服也綏當用績

朝立端夕深衣深衣三祛

謂大夫士也三祛者謂要中之數也

祛尺二寸圍之爲二尺四寸三之七尺二寸

縫齊倍要

縫紵也紵下齊倍要

中齊丈四尺四寸

衽當旁

衽謂裳幅所交裂也凡衽者或殺而

下或殺而上是以小要取名焉衽屬衣則垂而放之屬裳則縫之以合前後上下相變

袂可以回肘

二尺二寸之節長中繼拊尺

其爲長衣中衣則繼

袂拊一尺若今袞矣深衣則緣而已

袷二寸

曲領

祛尺二寸

口袂

也緣廣寸半

也飾邊

以帛裏布非禮也

中外宜相稱也

冕服絲衣也中衣用素皮弁服朝服玄端麻衣也中衣用布

士不衣織

織染

絲織之士

無君者不貳采

大夫去位宜服玄端玄裳

衣正

色裳閒色

謂冕服玄纁下

非列采不入公門

列采正服

振絺綌不入公門表裘不入公門

振讀爲衫衫禪也表

裘外衣也二者形且褻皆當表之乃出

襲裘不入公門

當褻也

續爲繭緼爲袍

衣有著之異名也續謂今之新綿也緼謂今繭及舊絮也

禪爲絰

有衣裳而無裏

帛爲褶

有表裏而無著

朝服之以綯

也自季康子始也

亦僭宋王者之後

孔子曰朝服而

朝卒朔然後服之

謂諸侯與羣臣也

曰國家

未道則不充其服焉

謂若衛文公者

唯君有

黼裘以誓省大裘非古也

僭天子也天子祭上帝則大裘而冕

大裘羔裘也

黼裘以羔與狐白雜爲黼文也

省當爲獮獮秋田也國君有黼裘誓獮田之

禮時大夫又

君衣狐白裘錦衣以裼之

君衣狐白

有大裘也

君衣狐白裘錦衣以裼之

君衣狐白

毛之裘則以素錦爲衣覆之使可裼也袒而

有衣曰裼必覆之者裘褻也詩云衣錦綱衣

裳錦綱裳然則錦衣復有上衣明矣天子

狐白之上衣皮弁服與凡裼衣象裘色也

君

之右虎裘厥左狼裘

衛尊者士不衣狐白

辟

也狐之白者少

君子狐青裘豹褻立綃衣以

以少爲尊也

君子狐青裘豹褻立綃衣以

裼之

君子大夫士也綃綺屬也染之以玄麇於狐青裘相宜狐青裘蓋玄衣之裘

裘青豻褻絞衣以裼之

豻胡犬也絞蒼黃之色也孔子曰素衣麇

裘

羔裘豹飾緇衣以裼之

曰飾猶褻也孔子曰緇衣羔裘

狐

裘黃衣以裼之

黃衣大蜡時臘先祖之服也孔子曰黃衣狐裘

錦衣

狐裘諸侯之服也

非諸侯則不用錦衣爲裼

犬羊之裘不

裼

質略亦庶人無文飾

不文飾也不裼

裼主於有文飾之事

裘之

裼也見美也

見君子於事以見美爲敬

弔則襲不盡飾也

喪非所以見美

君在則裼盡飾也

臣於君所

服之襲也充

美也

充猶覆也所敬不主於君則襲

是故尸襲

尸尊執玉龜襲

重寶瑞也

無事則謁弗敢充也

謂已致龜玉也

笏天子以

球玉諸侯以象大夫以魚須文竹士竹本象

可也

球美玉也文猶飾也大夫士飾竹以爲笏不敢與君並用純物也

見於

天子與射無說笏入大廟說笏非古也

言凡吉事

無所說笏也大廟之中唯君當事說笏也小功不說笏當事免則

說之

免悲哀哭踊之時不在於記事也

既搢必

盥雖有執於朝弗有盥矣

搢笏輒盥爲必執事

凡有指

畫於君前用笏造受命於君前則書於笏笏

畢用也因飾焉

畢盡也

笏度二尺有六寸其中

博三寸其殺六分而去一

殺猶杼也天子杼上終葵首諸侯不

終葵首大夫士又杼其下首廣二寸半

而素帶終辟大夫素帶

辟垂士練帶率下辟居士錦帶弟子縞帶弁

紐約用組

而素帶終辟謂諸侯也諸侯不朱裏合素爲之如今衣帶爲之下天

子也大夫亦如之率絳也士以下皆禪不合而絳積如今作幪頭爲之也辟讀如裨冕之

裨謂以繒采飾其側人君充之大夫裨其紐及末士裨其末而已居士道藝處士也此

自而素帶亂脫在是鞞君朱大夫素士爵韋

耳宜承朱裏終辟此立端服之鞞也鞞之言蔽也凡鞞以韋爲

之必象裳色裳色則天子諸侯立端朱裳大夫素裳唯士立裳黃裳

圓殺直

目鞞制

天子直

雜裳也皮弁服皆素鞞